

## Yucatec - Ba'ax Tuucul Quili'ich Dzíibo' - Good Mind Scriptures

Levítico 24:12 ca j dzaab ma'axo'ob ch'úuctic ca'aliquil u ya'alal tumen Yuumtzil ba'ax unaj u beeta'al.

Deuteronomio 18:6 Wa jun túul j leví cajnáal ti' je'el ba'alac a caajale'ex cu taactal u taal te j cúuchil u yéeymaj Yuumtzilo',

Rut 1:18 Le ca tu yilaj x Noemí jach tu jaajil ti' u yóol x Rut j bin x yéetele', ma' tu ca'a a'alaj mix ba'al ti'i'.

1 Crónicas 28:9 Teche' Salomón in paal, táan óolt u Ku a taata, meyajt yéetel tuláacal a pucsi'ikal yéetel jaj óolal, tumen Yuumtzile' cu xakal ilic tuláacal tuuculo'ob yéetel tuláacal ba'axo'ob cu yóolta'al beetbil. Bey túuno', wa teechna caxtique', bín u cha'a a nuptáantic, ba'ale' wa ca xúunp'atique', bín u xúun p'ajtech jun puli'.

Nehemías 4:6 Ma' t p'ataj c líik utzquintic le tuulum dzo'oc ca'ach u chuquic táanchumuco'. Le máaco'obo' chich u bin u meyajo'ob.

Job 23:13 Le quéen u yóolt u beet wa ba'axe' cu beetic, mix ba'al beetic u kexpajal u tuucul.

Proverbios 29:11 J ma' ojéelaje' cu cha'ic u jílta'al tumen u yaayam, ba'ale' aj ojéelaje' cu cóolcubáa.

Isaías 26:3 Yuumtzil, teche' ca t'ilcuntic jéedzel ti' máaxo'ob chuca'an u yóolo'obe', tumen u yocsmajo'ob u yóolo'ob ti' teechna.

Marcos 5:15 Le ca j kucho'ob tu'ux yaan Jesuso', tu yilo'ob le xiib yaan ca'ach le kaakas pixano'ob tu wíinclilo', culucbal, u búuquintmaj u nook yéetel tu yóol yan; ca j sajacchajo'ob.

Lucas 8:35 Le máaco'ob túuno' jóoko'ob u yilo'ob le ba'ax dzo'oc u yúuchulo'. Le ca j kucho'ob tu'ux yaan Jesuse', tu yilajo'ob le máax dzo'oc u jóokesa'al le kaakas pixano'ob ti'o' culucbal tu ni' yooc Jesús, u búuquintmaj u nook yéetel tu yóol yaan, ca túun j sajacchajo'ob.

Hechos 17:11 Le judíoba' mas utz u pucsi'ikalo'ob ti' le yano'ob Tesalonicao', tumen tu kamajo'ob le ma'alo'ob péectzilo' yéetel qui'imac óolal, táan u caxtico'ob sáamsamal ti' le Quili'ich Dzíibo'obo' u ti'al u yilico'ob wa jaaj ba'ax cu ya'ala'al ti'obo'.

Hechos 20:19 Sáamsamal anjen ichile'ex táan in meyajtic Yuumtzil yéetel tuláacal cabal óolal, yéetel u ja'il in wich bey xan ich ya'abcach túuntaj óolalo'ob taal ti' teen tu yo'olal le ba'ax u káat u beeto'ob teen le judíobo'.

Romanos 7:25 Chéen Yuum Ku, tu yo'olal c Yuumtzil Jesucristo. ¡Nib óolal ti' Ku! Bey túuno' tene' quin na'atic unaj in wantal yáanal u ya'almaj t'aan Ku, ba'ale' tu yo'olal in lu'umcabil wíinclile' palitzilen ti' u ya'almaj t'aan le kebano'.

Romanos 8:6 U dzáic u yóol máac chéen ti' u ba'alo'obil le wíinclilo' cu bisic máac ti' quíimil; ba'ale' u dzáic u yóol máac ti' u ba'alo'obil Pixano' cu bisic máac ti' cuxtal yéetel ti' jéedzel óolal.

Romanos 8:27 Ku máax cu xakaltic le pucsi'ikalo'obo', u yojel ba'ax u káat u ya'al le Quili'ich Pixano'; tumen le Quili'ich Pixano' cu káat óolal je'el bix u káat Kue' tu yo'olal máaxo'ob u ti'alo'obo'.

Romanos 11:34 Tumen ¿máax dzo'oc u ch'a'a nu'uctic u tuucul Yuumtzil? ¿Wa máax tzol u xiquin?

Romanos 12:2 Ma' a cuxtale'ex je'el bix u ya'alic le yóokolcaaba'; ba'ale' kexe'ex a tuucule'ex u ti'al ca túumbenchajac a cuxtale'ex. Beyo' je'el a wojéeltique'ex máacalmáac u yóolal Kue', u káat u ya'ale' le ba'ax ma'alobo', ba'ax utz tu t'aano' yéetel ba'ax jach tu beel.

Romanos 12:16 Bisajba'ex ma'alob ta baatzile'ex. Ma' u ca'analtal a wiche'ex, ba'ale' quetaba'ex yéetel le máaxo'ob cabal u yóolo'obo'. Ma' a tucultique'ex jach canbalnaja'ane'ex.

Romanos 14:5 U láak ba'al je'el bix lela': Yaan máax cu táanilcunsic jun p'éel kiin ti' u láak, yaan máax xane' cu tucultique' queet tuláacal le kiino'obo'. Cada jun túule' unaj u jéedzel ma'alob ti' ba'ax cu tucultic.

Romanos 15:6 u ti'al beyo' tuláacalile'ex jun múuch'e'e, ti' jun p'e'elili' t'ane', ca a qui'iqui' t'ante'ex u Ku yéetel u taata c Yuumtzil Jesucristo.

1 Corintios 1:10 Sucu'une'ex, quin káat óoltic ti' tuláacale'ex tu kaaba' c Yuumtzil Jesucristoe', ca queet tuuculnaque'ex yéetel ma' a jatzcaba'ex. Cuxlene'ex ti' jun múuch' óolal yéetel jun p'éelili' tuucul bey xan jun p'éelili' óol.

1 Corintios 2:16 Tumen le Quili'ich Dzíibo' cu ya'alic: ¿Máax dzo'oc u na'atic u tuucul Yuumtzil? ¿Máax cu páajtal u ca'ansic Ku? Ba'ale' yaan to'on u tuucul Cristo.

2 Corintios 7:7 ma' chéen tu yo'olal j kuchiqui' ba'ale' tumen leti'e' jach qui'imac u yóol ta wo'olale'ex. Leti' a'al to'on jach táan a dzíiboltique'ex a wilco'one'ex, tu tzicbaltaj to'on xane' táan a wu'uycaba'ex yaj a wóole'ex, yéetel táan a sen tucliquene'ex; yéetel lela' mas qui'imacchaj in wóol.

2 Corintios 8:12 Tumen wa jun túul máac tu jaajil u káat u dzáa wa ba'axe' Kue' cu kamic le ba'ax yaan ti' le máaco', leti'e' ma' táan u káatic le ba'ax mina'an ti' le máaco'.

2 Corintios 9:2 tumen dzo'oc in káaj óoltic a ma'alob óolale'ex. Mantadz quin wa'al ti'o ti' le Macedonia'obo' te'ex acayaile'exe' dzo'oc u máan jun p'éel ja'ab a dzáa a wóole'ex u ti'al áantaj; u asab ya'abil ti' le Macedonia'obo' dzo'oc u líikil u yóolo'ob tu yo'olal lika'an a wóole'ex te'ex.

2 Corintios 13:11 Bele', sucu'une'ex ca xi'ic te'ex utzil. Caxte'ex a chuca'an ma'alobtale'ex ta cuxtale'ex, yanac te'ex qui'imac óolal, cuxlene'ex ichil jun p'éelili' óolal yéetel jéedzel óolal. U Kuil yaacunaj yéetel jéedzel óolale' bíin yanac ta wéetele'ex.

Efesios 4:23 Te'exe' unaj a túumbencunsale'ex ti' a pixane'ex yéetel ti' a tuucule'ex,

Filipenses 2:2,3 chupe'ex in pucsi'ikal yéetel qui'imac óolal, cuxlene'ex táan a wutzil bisicaba'ex tuláacale'ex, nupa'ane'ex tumen jun p'éelili' yaacunaj,

tumen jun p'éelili' pixan yéetel jun p'éelili' tuucul. 3 Ma' a beetique'ex mix ba'al chéen u ti'al a wutzile'ex mix tu yo'olal ca'anal ichili' ba'ale' yéetel cabal óolal, tuju jun túule' ca u yil le u láako'obo' bey mas ma'alobo'ob ti' leti'e'.

Filipenses 4:2 Quin káat óolal ti' Evodia bey xan ti' Síntique, ca jun p'éelchajac u tuuculo'ob ti' Yuumtzil.

Filipenses 4:7 Ku túune' bín u dzáa te'ex jéedzel óolal, lela' mas nojoch ti' le cu páajtal u na'atic máaco'; le jéedzel óolal bín u canant a pucsi'ikale'ex yéetel a tuucule'ex ti' Cristo Jesús.

Colosenses 3:12 Kue' u yaabiltmaje'ex te'ex yéetel dzo'oc u yéeyique'ex u ti'al ca u ti'alinte'ex. Cuxlene'ex túun a búucbesme'ex u páajtalil ch'a'a óotzilil, utzil pucsi'ikal, cabal óolalil, suuc óolalil yéetel chuca'an óolalil.

2 Tesalonicenses 2:2 ma' a kexique'ex séeba'an a tuucule'ex, mix a cha'ique'ex u ja'asa'al a wóole'ex tu yo'olal mix jun p'él pixanbe'en péectzil, mix tu yo'olal wa ba'ax jadzutz t'aano'ob ca a wu'uye'ex, mix tu yo'olal wa ba'ax dzíibil ju'un ca a kame'ex ca chícpajac bey to'on túuxtmaile', táan u ya'alic dzo'oc u kuchul u kiinil Yuumtzil.

2 Timoteo 1:7 Tumen Kue' ma' tu dzáa to'on u pixanil sajaquil, ba'ale' u pixanil páajtalil, yaacunaj yéetel ma'alob tuucul.

Tito 2:6 Tzol xiquint le táanquelem xi'ipalalo'obo' u ti'al ca ma'alobchajac u na'ato'ob,

Hebreos 8:10 Le nup t'aan quin in beet yéetel u caajil Israel cu dzo'ocol u máan le kiino'obo' beya, cu ya'alic Yuumtzil: Bín in dzáa in wa'almaj t'aano'ob tu tuuculo'ob, yéetel bín in dzíib tu pucsi'ikalo'ob. Tene' bín u Kuinteno'ob túun, leti'obe' bín in caajalto'ob.

1 Pedro 1:13 Le o'olale' tuculte'ex ma'alob ba'ax can a beete'ex, yéetel sáasilchajac a na'ate'ex. Dza'ex tuláacal a alab óolale'ex ti' le siibal utzil bín dza'abac te'ex le quéen chícpajac Jesucristoo'.

1 Pedro 5:2 Canante'ex je'el bix canan j tamano'obe' le u j tamano'ob Ku kubenta'an te'exo'; beete'ex yéetel ma'alob óolal, je'el bix u káat Kue', ma'tumen táan u tza'abal te'exi', mix tumen táan a dzíiboltique'ex taakini'. Beete'ex a meyaje'ex yéetel ma'alob óolal,

2 Pedro 3:1 In yaabilaj sucu'une'ex, lela' u ca'a p'él ju'un quin dzíibtic ti' te'exa'. Tu ca'a p'élil ju'une' tin wóoltaj in beet yéetel tzol xiquino'obe' ca yanac te'ex toj tuucul.

Apocalipsis 17:9 Te'ela' yaan ba'ax u ti'al le máaco'ob cu páajtal u na'atico'obe': Le siete poolo'obo' cu ye'esic le siete pu'uco'ob tu'ux culucbal le co'olelo';